

KIRKJUGARÐARÁÐ

131. fundur haldinn 2. maí 2016 í fundarsal Biskupsstofu.

Mætt voru: Ragnhildur Benediktsdóttir, formaður Kirkjugarðaráðs sem ritaði fundargerð. Guðmundur Rafn Sigurðsson, framkvæmdastjóri Kirkjugarðaráðs, Þórsteinn Ragnarsson forstjóri KGRP, fulltrúi Kirkjugarðasambands Íslands, Smári Sigurðsson, fulltrúi Kirkjuþings, Valtýr Valtýsson sveitarstjóri, fulltrúi Sambands íslenskra sveitarfélaga og Kristín Huld Sigurðardóttir, fulltrúi Minjastofnunar Íslands boðaði forföll. Einnig sat fundinn sr. Agnes M Sigurðardóttir, biskup Íslands.

1. Setning fundar

Fundur settur. Fundargerð síðasta fundar lögð fram og hún samþykkt.

2. Undirbúningur vegna fundar í innanríkisráðuneytinu vegna skýrslu um endurskoðun á kirkjugarðasamkomulaginu

Fram kom að skýrsla ráðherraskipuðu nefndarinnar, sem lokið var við nýlega, styður þær rannsóknir á fjárhag kirkjugarða sem áður hafa verið gerðar. Útreikningur nefndarinnar hefur leitt í ljós að hækka þarf einingarverð um 40% til að verð sé á sama verðlagi og árið 2005. Kirkjugarðaráð fór yfir tillögur um næstu skref til að koma fjárhag kirkjugarða á svipaðan rekspól og árið 2006 og gera nauðsynlegar breytingar á lögum um kirkjugarða sem aðilar eru sammála um að hafi dregist úr hömlu.

3. Erindi frá formanni sóknarnefndar Dómkirkjunnar vegna framkvæmda við hinn forna Víkurkirkjugarð

Lagt var fram erindi frá Marinó Þorsteinssyni, formanni sóknarnefndar Dómkirkjusóknar er varðar rask það er nú fer fram í Víkurkirkjugarði vegna framkvæmda á reit Landssímahússins. Fram kemur í erindinu að sóknarnefndin hafi áhyggjur af því að verið sé að spilla minjum í kirkjugarðinum og friðhelgi hans. Málinu frestað til næsta fundar.

4. Næsti fundur

Næsti fundur verður haldinn mánudaginn 13. júní kl. 09:00.

5. Önnur mál

Ekkert rætt undir þessum lið.

Fundi slitið kl. 14:45.

Ragnhildur Benediktsdóttir,
formaður og ritari

Fundur haldinn 2. maí 2016 kl: 15:00 í innanríkisráðuneytinu

Fundur í innanríkisráðuneytinu vegna skýrslu ráðherraskipaðrar nefndar um endurskoðun á kirkjugarðasamkomulaginu.

Mætt voru af hálfu ráðuneytisins Ragnhildur Hjaltadóttir, ráðuneytisstjóri, Hermann Sæmundsson, skrifstofustjóri, Fanney Óskarsdóttir, lögfræðingur, Oddur Einarsson, stjórnsýslufræðingur og Jóhannes Finnur Halldórsson, sérfræðingur og formaður nefndar um endurskoðun á kirkjugarðasamkomulaginu.

Af hálfu kirkjugarðaráðs mættu Agnes M. Sigurðardóttir, biskup, Þórsteinn Ragnarsson, Valtýr Valtýsson, Smári Sigurðsson, Guðmundur Rafn Sigurðsson og Ragnhildur Benediktsdóttir.

Ragnhildur Hjaltadóttir bauð fundarmenn velkomna og kynnti vinnu nefndarinnar. Jóhannes Finnur kynnti síðan niðurstöður og tillögur nefndarinnar.

Biskup lagði fram meðfylgjandi tillögur kirkjugarðaráðs um næstu skref til að koma fjárhag kirkjugarða á svipaðan rekspól og hann var árið 2006 og tillögu um að gerðar verði nauðsynlegar breytingar á lögum um kirkjugarða:

Minnisblað frá kirkjugarðaráði.

Dagsett 2. maí 2016

Kirkjugarðaráð telur að helstu niðurstöður og ábendingar skýrslunnar, sem til umræðu eru á fundinum, séu þessar:

- ✓ *Nauðsynlegt sé að fara yfir samkomulag milli kirkjugarðaráðs og ríkisins frá 2005 og gera það gegnsærra og taka af allan vafa hvaða lögbundnu verkefni ríkið eigi að greiða.*
- ✓ *Framlög til kirkjugarðanna voru í samræmi við samkomulagið frá og með árinu 2005 og til og með ársins 2008. Brýnt er að hækka einingaverð samkomulagsins til samræmis við uppreiknað einingaverð, sem fram kemur í reiknitöflu nefndarinnar. Þannig yrði byrjað á sama grunni og í ársbyrjun 2005.*
- ✓ *Fara þarf yfir lagafrumvarp um breyting á lögum um kirkjugarða til að ná fram nauðsynlegum lagabreytingum vegna breytinga í þjóðfélaginu frá 1993 og eins til að koma á hreint ákveðnum ágreiningsmálum um hvað eigi að vera innan lögbundinna verkefna kirkjugarða.*
- ✓ *Útreikningar nefndarinnar sýna að framlagið hafði verið skert um 1.971 m.kr. (nánast tvöfalt ársframlag 2015 að nafnvirði og mun meira ef uppreiknað væri) á árunum 2009 – 2015 eða sem nemur tæpum 17% af samkomulaginu fyrir þetta tímabil. Einingaverð hafa rýrnað um 40% þegar litið er á uppreiknuð einingaverð skv. reiknitöflu nefndarinnar og þess einingaverðs sem greitt var árið 2015 (eftir leiðrétting villu).*

- ✓ Nefndin sýndi fram á að villa var í útreikningum fjármálaráðuneytis frá 2009 sem uppsöfnuð á nafnvirði nam 133 m.kr. frá 2009 - 2015 og var kirkjugörðum bætt það upp með aukafjárveitingu sem fylgir árinu 2015. Þetta bætti fjárhagsstöðu kirkjugarða tímabundið en hefði þó ekki komið í veg fyrir að stærsti kirkjugarður landsins væri með rekstrarhalla 4 ár af síðustu 5 árum, þó rétt hefði verið reiknað.
- ✓ Kirkjugarðar voru skertir um 28,8 m.kr. á árabílinu 2009-2015 vegna þess að fjármálaráðuneyti miðaði greftranir við dánartölu frá „horfinnaskrá“ Þjóðskrár en þar eru einungis þeir sem áttu lögheimili á Íslandi þegar þeir létust en fjöldi greftrana á Íslandi er meiri vegna þess að mismunur í fjöldatölum skýrist af því að margir Íslendingar sem áttu lögheimili í útlöndum eru fluttir til greftrunar á Íslandi og einnig er hluti af þessum mismun jarðsetning andvanafæddra barna sem ekki fengu kennitölu en voru jarðsett með sömu viðhöfn og aðrir Íslendingar. Skrá Þjóðskrár Íslands gefur því ekki upplýsingar um fjölda tekinnna grafa en framlagið miðaðist við það. Á þetta var bent í upphafi samkomulagstímabils (2006) en ekki var tekið tillit til þess. Kirkjugarðaráð er sammála nefndinni um að samkomulagið sé skýrt hvað þetta varðar.
- ✓ Að lokum sýndu útreikningar nefndarinnar að kirkjugarðar voru **umframskertir** um 324,6 m.kr. á tímabilinu 2009 - 2015. Þessi skerðing er til viðbótar þeirri skerðingu sem ríkisstjórnir gerðu og nefndar hafa verið „hagræðingarkröfur“. Þetta staðfesta útreikningar nefndarinnar, sjá neðstu línu á töflu skýrslunnar. Niðurstaðan er reyndar of lág, þar sem miðað er við of hátt árlegt framlag í töflu nefndarinnar. Mismunur er 60,3 m.kr. Leiðrétting hefur verið send formanni nefndarinnar.

Ráðuneytismenn munu svara kirkjugarðaráði innan hálfis mánaðar.

Tillögur kirkjugarðaráðs eru fylgiskjal með fundargerð þessari.

Fundi slitið í innanríkisráðuneytinu kl 16:15.

Ragnhildur Benediktsdóttir